

金石萃編

掃葉山房

唐駝署

發行

金瓶梅

卷一

第一回

一

金石萃編卷一百十三

賜進士出身 誥授光祿大夫禮部右侍郎加七級王昶議

唐七十三

馮宿碑

碑連額高一丈八寸廣四尺三寸三分四十一行行八十三字正書篆額在西安府

大唐故銀青光祿大夫檢校禮部尚書使持節梓州諸

軍事兼梓州刺史御史大夫充劔南東川節度副大使

知節度事管內觀察處置靜戎軍等使上柱國長樂縣

開國公食邑一千五百戶贈吏部尚書馮公神道碑銘

并序

銀青光祿大夫守兵部尚書充 皇太子侍讀兼判

太常卿事上柱國晉陽縣開國子食邑五百戶王起

撰

翰林學士朝議大夫守諫議大夫知 制誥上柱國

河東縣開國男食邑三百戶賜紫金魚袋柳公權書

并篆額

惟唐開成元年歲在執徐十二月三日檢校禮部尚書

東川節度使長樂公享年七十薨于位 天

子不視朝一日贈以天官之秩是月 公之喪歸于西

都其來也梓潼之人如亡顧復其至也京師之人咸嗟

殛瘁其親戚號于中唐而隣里感其朋友慟于外寢而

摯紳弔咸以 公孝友忠信清廉正直寬仁偉度可以

韜當世弼諧遠畧可以經大邦而位不充量才屈於筭

斯所以感人深矣其明年五月克葬于京北萬年縣崇

道鄉白鹿原從先人塋禮也既葬其孤孀然泣血以

公勲伐德善之狀請被於文而刻此石云 公諱宿字

拱之冀州長樂人漢光祿勲奉世廿五代孫也自光祿

勲立功於漢其下十四葉立國王燕是謂昭口皇帝其

下七葉生五代祖周烏氏侯諱早惠口隋爲口州司戶

皇朝爲婺州長山令長山生高祖 皇婺州紉曹掾

諱文儉紉曹生曾祖茂才高第括州松陽令諱道儀松

陽生大父文林郎宋王府記室叅軍贈禮部員外郎諱

嗣員外生先府君南昌令新安郡長史贈尚書左僕射

諱子華咸以茂德光耿史諱僕射天寶中

明皇以四子列學官時與計偕一鳴上第藏器不耀以

孝節聞享年八十累贈尚書左僕射先妣彭城劉氏

皇成都府叅軍沔之女嬪則母範惟家之肥累贈彭城

郡太夫人 公卽僕射之元子也奇偉倜儻與人誠直

言無詭隨行不苟合望之也長戟森於武庫卽之也大

珪植於瓊田卅歲侍僕射府君廬于員外府君之墓左

有靈芝產于堙隧白兔擾于松楸僕射惡其顯異抑而不言識者咸謂純孝殊祥又重之以陰德其門必大也弱冠以工文碩學稱年廿六舉進士是時明有司卽兵部侍郎陸公贊其人也又應宏詞科試百步穿楊策賦雖口勢奪而其文至今諷之後生以爲楷已而有志於四方歷東諸侯爲彭門僕射張公建封所器異因表爲試太常寺奉禮郎充節度口官張公傑邁簡達尊賢禮能幕府始建羣彥翹首與公同昇者李藩韓愈之口皆諸侯之選及公曳裾之後有置醴之遇其書檄奏記公皆專焉及張公寢疾公常出入卧內獻口戎事一軍感其口明迨其薨落也武夫感義閭里懷慕蚩蚩洵洵無師乃亂口其子情稱留後焉未王命也先是李師古之叛也其將李洧以徐方効順至是師古將伐有屯且復故地公內則整訓叛徒明利害之鄉外則移檄敵人口逆順之理卒能寢師古之謀遏徐方之亂衛監戎於鋒刃之上口闔境於磔裂之勢公口力口而終身杜口不言定徐之功議者高其不伐及德宗以情得衆因而善之表公爲留後判官試金吾衛兵曹公以危邦是戒倚門方切乞歸江左以奉色養已而起師潛章請口口樞授大理評事徐

之軍吏聞公之去羣口公職者害公之能也合爲他誣貶泉州司戶公得喪不形以詩書自娛歲餘移口州司戶太夫人終堂瑪幕柴毀玷於滅性空復常從事浙右徵拜憲府監察歷太常博士凡爲八家定口皆口善口惡不吐不茹時人偉其文而與其直遷虞部員外郎丁先府君艱藥棘在疚哀禮皆極旣祥除都官員外郎憲宗時吳元濟以淮西叛詔相國裴公東征於是妙選廷臣爲幕中口由是口公爲彰義軍節度判官於是有朱紱銀章之錫淮西平疇勞報功拜比部郎中爲持權者所忌會韓文公愈以京師迎佛骨上疏切諫忌公者因上之怒也誣公實爲之出刺欽州先是中書舍人缺僉謂公之述作動合暮訓綸言之任旦夕待遷及一麾出守羣情大駭公則神怡氣暢視虧若成此則老氏之齊寵辱令尹之無愠喜也在欽州歲鋤兼并活矜寡有禱祿誰嗣之謠徵拜口部郎中遷口部郎中知制誥時問罪河朔書命疊委公應口神速不能自休詞理典奧文采煥逆大凡六百餘章爲染翰者程準天子以深州刺史口元口納忠効順詔除襄州節度使時重圍不口未口之口口江漢一游舟車四會人

虛□沸施素由之□思文武全德姑□其□

上曰侍臣有魁岸奇表珥貂蟬者爲誰丞相以

公對

上曰峴南留務斯人可矣爰命金

印紫綬宮相憲丞倅□以□□之□車則率旅□□

里□□□翼日□□詔歸□□或領借□

□上□一年或追送君□有逾百里其遺愛在去有如

此者卽日拜中書舍人妄爲飛語□中□改爲太常□

□□□遷散騎常侍□□□□直□□□之士

□□□□試第其上下得人之□□爲至公遷華

州刺史以州名犯先公諱固讓不拜復□□加集賢殿

學士□□□同之阻 命於□□也王□興□□

□□□□□□□□□□□□□□以□□□

□□□□之臣有才者宣撫之擇使數輩□□□之事

公以食君之祿危事不□急國之□□□盡心

遂□□政□□□屬虐暑得雨泥行谷宿□□險阻

□□□□□□□□□□□□□□由是出入□□□□

□危者安之□者勇之棣城□□公□□助其□□

事國有如此者矣三川浩穰尹正斯□時□之□□

公□理及□□必信賞必罰寬人急吏□□著無□兼

并□必□□□□□□□□□□□□有□□爲□

吏□□□□□□於杖下□□□□□□□□□□

□禁止再□報政行工部侍郎加□□□□□□□□

□□□□□□曹郎議□□公以□路□以誅□

□□□□□□之□□□以爲得□□□□□□□□

□□□□□□後 勅五十□□百□□□□□□兵

部侍郎進爵爲公會衆□□□□□□□□上□□

□□之忠重推轂之□□檢校禮部尙書使持節梓州

諸軍事兼梓州刺史御史大夫□□□□□□節度副

大使知節度事管內觀察處置靜戎軍□□□□公

□節□臨整□□紀外□□□□內□□毗推赤心於三

軍之腹而□郡以六□□禮樂修明苛□用去□□

□□□□□□人□□□□□□□□□□□□

□□□□□□□□□□□□□□□□□□國人

□□心太和初□師□南□入綏拓于□□大掠而

□公以善□不□□□□□□隨則無惠安必□□□

□□□□□□□□□□□□□□□□□□□□

□□□□□□□□□□□□□□□□□□□□上問之

曰守土之臣當如是乎豈□山鎮一方亦可波及他□

詔用□□□□□□巫之□□□□□□公□□□□□

□□□□□□□□□□□□□□□□□□□□□□

助十萬錢於我家故鄉人号為孝馮家吾今壽登□□

位列方面陰德之□其可誣乎□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

□□之以□□□□日命之短長天□□□□□□□□

□□吾不□也□□□□□□□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

下表其□□□□□□□□□□□□□□□□□□□□

馮尚書碑今在陝西省下秦人王宏度酷嗜古墨余

問如此妙跡近在省會何以不多見揭本王云碑已

剥盡不可復揭每捫碑石輒欲涕流余亦為之慨然

楊用脩曰誠懸馮尚書碑亞於廟堂碑庚子鋪夏記

右碑自授華州刺史以父諱不拜徙左散騎常侍兼

集賢殿學士而後皆殘勅其幸有者證之新舊二史

多異如碑云冀州長樂人史云發州東陽人豈宿之

始祖漢光祿勳奉世立功于燕奉世之後文儉為發

州禮曹掾遂家東陽耶文儉者宿之高祖也五代祖

惠大父道儀皆史所遺碑云年廿六舉進士為兵部

侍郎陸贄門人拜比部郎中時為持權者忌以韓愈

切諫迎佛骨表誣宿實為之出為劍州刺史舊書與

碑同至碑題所謂梓州刺史及劍南東川副大使知

節度事即舊書亦未之詳也宿拜河南尹時洛苑使

姚文壽縱部下侵欺百姓吏不敢捕宿于大會日遇

而杖之死新史尚不之載其闕畧亦云多矣子三人

圖陶韜皆登進士揚歷清顯新史止錄圖何也序之

首云開成元年十二月三日宿薨于東川以明年五

月歸葬于京兆萬年崇道鄉白鹿原之先塋則馮氏

雖家發州以宿之貴祖父俱葬咸陽其子孫或有存

者豐碑巨碣磨滅殆盡矣金石錄補

觀韓昌黎與馮宿論文書時值唐文之衰馮公獨能

力進乎古為昌黎所推許生無愧秩宗之官死而柳

公權為之書碑今又列於泮宮馮公亦足以不朽矣

弟碑移竟失墓所惜哉來齊金石刻考畧

宿字拱之馮審之從兄也官終吏部尚書卒諡曰懿

起字舉之終太尉卒諡曰文關中金石記

唐制諸王拜節度大使者皆留京師以副大使知節

度事者是正節度也碑稱充劍南東川節度副大使

知節度事而新舊史但稱節度使者蓋以此舊史本

傳云韓愈論佛骨時卒疑宿草疏出爲欽州刺史新史疑其未必然而刪之然碑云公爲比部郎中爲持權者所忌會韓文公愈上疏切諫佛骨忌公者誣公寔爲之出刺欽州則固有此事矣昌黎之文自後世論之固非宿所能及在當時則猶夫人爾兄出于忌者之口亦何所不至哉史稱婺州東陽人而碑云冀州長樂人蓋舉其族望然唐時冀州固無長樂縣劉知幾所譏諒哉

潛研堂金石文跋尾

碑後文磨蝕垂盡今獨前文存者尙可辨案碑云宿冀州長樂人而新唐書本傳則稱婺州東陽人金石續錄謂宜以碑爲正攷馮氏之所自出惟杜陵長樂二望碑因以宿爲長樂北史馮跋傳亦云代本出長樂宿北燕裔也今碑書其始望是也唐碑刻如池州刺史馮仁碑云長樂馮文王之允與此碑同則碑信非無據然驗其實宿之占籍當在婺州今文內所載乞歸江左以奉色養當時自宿祖父並居東陽又宜依新書爲是此固當兩存之不宜有所偏廢也張建封旣歿宿以書說武俊使表建封子愔爲留後新唐書云爾而碑獨記德宗以愔得衆聞而善之則愔之得請亦不盡出自武俊碑載宿卅歲侍僕射府君廬

於員外府之墓左則宿與父子率並守墓矣而傳文惟言子華廬親墓有靈芝白兔蓋史畧也新唐書牛元翼徙節山南東道爲王庭奏所圍以宿總留事碑云天子以深州刺史牛元翼納忠效順詔除襄州節度時重圍不解未克之官下丞相以公對上曰峴南留務斯人可矣文較史爲悉又碑載開成元年十二月長樂公薨下又明年克葬云云碑之建立約亦在是時矣至碑又云其親戚號于中唐金石續錄云唐似是堂字案詩中唐有贊傳堂塗也尔正釋宮廟中路謂之唐此卽碑依用所自後漢書延篤傳少從潁川唐蹊典司馬彪續漢書作堂蹊典堂與唐亦古通用字何爲疑哉

授堂金石跋

按此碑撰文者王起兩唐書傳起爲播弟字舉之大和七年由河中尹入爲兵部尙書八年檢校右僕射襄州刺史九年就加銀青光祿大夫文宗好文起僻于嗜學轉兵部尙書以莊恪太子登儲欲令儒者授經乃兼太子侍讀判太常卿碑結銜與傳同碑無建立年月以莊恪太子傳證之大和六年立爲皇太子開成三年詔宮臣詣崇明門謁朔望侍讀偶日入對起之兼太子侍讀當在是時則

碑立于開成二年亦一證也又据書碑之柳公權
結銜翰林學士守諫議大夫知制誥稽之本傳亦
在三年以前則又二年立碑之證也碑云開成元
年歲在執徐者是年爲丙辰歲也云克葬于京兆
萬年縣崇道鄉白鹿原元和郡縣志白鹿原在萬
年縣東二十里長安志云在萬年縣東南二十里
然崇道鄉名兩志所無也碑云公諱宿字棋之舊傳
無新傳漢光祿勳奉世廿五代孫自光祿勳立功
於漢其下十四葉立國王燕是謂昭口皇帝漢書
馮奉世傳昭帝末西河屬國胡伊首畔奉世輒持
節將兵追擊代爲右將軍典屬國數歲爲光祿勳
晉書載記馮跋字文起以太元二十年僭稱天王
於昌黎不徙舊號卽國曰燕建元曰太元立十一
年入宋至元嘉七年卒又見魏書海夷傳語亦畧
同又据十三代孫馮元德撰昌黎馮王新廟碑稱
王諱熙伯祖諱跋建國北燕傳位于昭成皇帝諱
宏卽王之烈祖也然則此碑所稱昭口皇帝者卽
昭成帝馮宏也碑云五代祖諱早惠隋爲口州司
戶皇朝爲婺州長山令長山卽金華縣在漢爲烏
傷縣地後漢改爲長山歷代相因据唐書地理志

武德八年省長山縣入于金華縣屬婺州東陽郡
則早惠爲令尙在武德八年以前也此下高祖文
儉曾祖道儀大父嗣兩唐書俱無傳府君子華兩
書附宿傳亦但載其廬墓有靈芝白兔之祥與碑合
而不書其官南昌令新安郡長史此下碑敘宿事
云年廿六舉進士是時明有司卽兵部侍郎陸公
贄其人也舊書陸贄傳德宗貞元七年正拜兵部
侍郎知貢舉据昌黎文集與祠部陸員外書云在
亦幸在得中云云孫汝聽注曰貞元八年陸贄知
舉貢稜等二十三人登第公與焉則是陸贄之知
貢舉在貞元八年選士數年之內居臺省清近者十餘人
蓋以贄所舉號爲得人列贄門下者以爲榮故碑
特書之也碑又書應宏詞科試百步穿楊葉賦其
文至今諷之而兩傳不載昌黎集有與馮宿論文
書云辱示初筮賦實有意思但力爲之古人不難
到云云則宿之賦固爲昌黎所稱矣碑云彭門僕
射張公建封表爲試太常寺奉禮郎充節度判官
張公幕府始建羣彥翹首與公同昇者李藩韓愈
之徒皆諸侯之選云云宿傳但云徐州節度張建
封辟爲掌書記而不詳其餘唐書韓愈傳亦但云
徐州張建封請爲其賓位檢昌黎文集有徐泗蒙

三州節度掌書記廳壁記云南陽公鎮徐州歷十一年而掌書記三人曰高陽許孟容曰京兆杜兼曰隴西李博而不及宿然張建封開幕府禮賢下士人才衆多不勝悉數則宿與昌黎同登進士同在幕府碑傳參攷自可徵信可知昌黎與宿相聚日久交情更深是以與宿論文極爲推挹而佛骨諫疏宜乎忌者誣爲出于宿手矣碑稱宿試金吾衛兵曹授大理評事兩傳皆不載而傳有從浙東觀察使賈全府辟碑亦不載碑于貶泉州司戶後云歲餘移口州司戶_各太夫人喪復常從事浙右徵拜憲府監察傳皆畧之出刺欽州後徵拜口部郎中遷口部郎中知制誥泐二字以傳攷之乃刑部兵部也傳云太和二年拜河南尹在行工部侍郎之前而碑泐不見宿嘗有詩酬白樂天劉夢得云共稱洛邑難其選何幸天書用不才卽此時作也碑雖泐尙存虐暑溽雨泥行谷宿三川浩穰尹正斯口信賞必罰寬人急吏等累二百言皆尹河南時事也碑于行工部侍郎之後有口口綏勅五十卷据傳則修格後勅三十卷碑傳三五互異舊書經籍志不著錄新書藝文志有云太和格後

勅四十卷格後勅五十卷注云初前大理丞謝登纂凡六十卷詔刑部詳定去其繁複太和七年上而不云馮宿同修以時攷之卽碑所云格後勅五十卷也碑云兵部侍郎進爵爲公則必有初封縣侯之語而碑已泐于前舊傳不載新傳云累封長樂縣公亦不詳其初封也檢校禮部尙書之下碑有梓州刺史結銜四十餘字傳但以東川節度使一語括之此下舊傳已畢新傳則畧敘完城郭增兵械修利防庸等事而碑文全泐矣碑有云嘗一旦天助十萬錢于我家故鄉人號爲孝馮家吾今壽登口口位列方面陰德之口其可誣乎天助十萬錢兩傳俱不載宿卒年七十則壽登下是七十也孝馮家三字見新書宿傳云父子華廬親墓有靈芝白兔號孝馮家又見鄴中記云馮肅_{宿字}之誤字拱之婺州人廬親墓有靈芝白兔之瑞一時號曰孝馮家而皆不及天助十萬錢之事碑已敘靈芝白兔於前而未乃述十萬錢事爲孝馮家之緣起惜碑上下文泐無從得其詳矣

大泉寺新三門記

碑高六尺三寸廣三尺四寸三分二十二行首行三十六字餘皆三十七字行書篆額在句容縣

大唐潤州句容縣大泉寺新三門記 并序

鄉貢進士姚鼐撰

當寺沙門齊操書

句曲之東寔曰崑崙居崑崙之陽厥生大泉寺因泉而題焉後劉宋開明二年有邑令顏繼祖捨宅移寺南去泉五里而遙年代寔遠碑記埋沒粗所詳者乃顏氏十三代孫今寺之惠誠也大和初監寺僧惠明與寺僧道琳等見三門破壞乃言於衆曰此教東流設象爲法牢落如是瞻仰何依乃請今寺主僧常誼普族于是者勸力誓心募緣折化如響斯應人咸歸之遠近趨走投施委積筭財度費功用果足乃革舊制恢新謀延袤縱廣中闕無改自大和庚戌至于癸丑凡七年厥功告成崇軒峨峨三闕其門飛簷翼張丹拱霞煥矧茲寺以重崗疊嶺深入崖谷行樹葱翠煙蘿蒙密雲收霧卷宛若仙關俾得道者同指歸於覺路由徑者詎深着於迷途非我師之志誠其孰能逮於此今天下學佛道者多宗旨於五臺靈聖蹤跡往往而在如吾黨之依於丘門也誼本鄭人冠歲因往遊焉遂剃髮於五臺金閣寺元和再歲乃於渭州龍興寺依年具戒振錫經行見色相之皆空識衣珠之無價又六年始到江南初止於近寺蘭若

其明春又之嶺南詣禪訪道酌水步雲心契如期不遠千里十一年還至茲寺初寺每有僧俗大會五千餘衆號曰龍華常患錡釜之器不同於用物有所闕人多告勞誼乃發願鑄一大鑊求布金之長者得鎔範之良工歸依一念之間成就堅牢之質濩落有用碩大無朋使天人畢會於龍花香積普沾於法味由此故也寺衆僉曰誼實有力於寺者非宿習德本沾諸善緣豈能誘掖羣心終成喜捨大和初歲乃聞諸府邑請錄名焉繇是三門荐興功致一貫則誼之行業前循推可鏡矣人有語余於師爲文者誼因錄所事請識門焉寺之備新記詳矣辭曰

寺之興 大泉是生 感沸翁在 旣溫且靈 寺之移 顏氏之基 宋室舊邑 葉野離離 寺之終 誼實是工 大鼎渠渠 三門崇崇 煙霞棟梁 松桂香風 周迎巖壑 警迷其鍾 文若于石 播之無窮

開成三年歲次戊午十一月乙卯廿六日庚辰立

西河郡樂縣慶鐫并記

勾當功德主寺主僧常誼

按此碑沙門齊操書不云篆額卽盛時泰元牘記

載此碑亦不云有額据潛研堂跋謂額中泉字篆
从日从水是有額而此本失揭也題稱潤州句容
縣新唐書地理志句容縣注云武德三年以句容
延陵二縣置茅州七年州廢隸蔣州九年隸潤州
乾元元年屬昇州舊書地理志寶應元年昇州廢
屬潤州据舊書則寶應元年後不復再屬昇州据
新書則乾元元年後不復改屬潤州今此碑立于
開成三年而句容屬潤州則舊書爲有据也碑云
句曲之東實曰崙峯江寧府志句容縣有崙山在
縣東北五十里東連駒驪山四十二福地也金陵
志唐肅宗時謁者伍達靈在此山得道去云云此
碑稱崙峯或即崙山也碑文此下載峯之陽有大
泉寺因泉而題劉宋時有邑令顏繼祖捨宅爲顏
氏十三代孫又稱大泉寺僧俗大會五千餘衆號
曰龍華寺僧常誼鑄一大鑊香積普沾大和初炭
隸名府邑由是三門荐興功致一貫云云今細檢
江南通志江寧府志凡山水寺觀古蹟名宦方外
各門無一語載及者竟無從考證矣大抵句容縣
之大泉寺荒廢已久此碑復淪落草莽修志乘者
不及搜探金石以致紀載漏畧如此蓋金石文字

有碑于輿圖考索者爲功不細而修志秉筆者往
往士宜棄之則亦無可如何矣碑本庸陋稱劉宋
有開明之號書募緣作募緣又大知庚戌至癸丑
凡四年作七年又如稱孔門爲邱門謬誤疊見蓋
撰者姚萼雖進士而出于鄉貢不離乎鄉者也

符璘碑

碑高一丈廣四尺五寸三分三十一
行行六十二字正書在富平縣學

唐故輔國大將軍行左神策軍將軍知軍事檢校右散
騎常侍兼御史大夫義陽郡王食實封二百戶贈越州
都督刑部尚書符公神道碑銘并序

銀青光祿大夫守中書侍郎同中書門下平章事充
集賢殿大學士上柱國襄武縣開國侯食邑一千戶
李宗閔撰

翰林學士承旨兼口侍書朝議大夫守尚書工部
侍郎知制誥上柱國河東縣開國男食邑三百戶
賜紫金魚袋柳公權書并篆額

公諱璘字元亮其先琅耶人曾祖諱口虢州刺史大父
諱暉游擊將軍頴王府左口事典軍贈青州刺史烈考
諱令奇昭義軍節度副使試太常卿開府儀同三司琅
耶郡公口口部尚書左僕射公實僕射長子初公與先

公俱爲薊裨將會薊亂同奔於潞潞師薛嵩署爲軍副
嵩卒其地分移餘于魏魏帥田承嗣知公父子有材畧
各以左右職處之承嗣死子悅代爲帥悅與李納輩隙
封通謀不軌引兵寇口東攻磁邢

天子命并

師馬燧潞師李抱真督口軍合討之戰於洹水悅軍大
敗王師進逼魏城時公與先公在重圍中悅賊虐日口
衆心離折先公密語口口口口十九年閏事多矣不
能遠引古自安口以還亂臣賊子甚衆于今有唯類遺
種者乎今悅叛亂有狀覆滅無日吾豈能以黃耆之歲
陷赤族之誅口汝部下口口口口勁卒若捨吾爲質率
屬歸降不唯口口心口足斷賊臂全家徇國吾死無恨
可不務乎公泣曰悅忍人也某苟脫去將不利於大人
奈方寸何先公曰不口口口師四合吾與汝猶几上肉
待俎醢耳且汝不去能全吾乎是父子俱死於逆地汝
從吾吾死不朽汝不從吾吾亦死吾目不瞑死一也而
逆順禍福相去万里口何疑焉公俯伏不能對時燧知
公才畧勇敢使間以禍福諭公與先公之言略同縣是
公計遂決乃使家豎潛通其口燧因遣公犀帶以示要
約公於是率所部銳師降燧由是寇始弱而王師益壯
燧旣納公署爲軍副以

聞詔授特進試太子詹事

兼御史中丞封義陽郡王實封百戶旣而悅引責先公
先公讓曰公逆親背主亡在旦夕某教子効順殺身成
仁口之死口愈於公遠矣又何責焉悅大怒躍起先公
從容不撓視死如歸獲所之禍遂延於家屬俄公仰
天搏膺口口口絕泣血忍死竟終先公之志焉燧口就
撫勉復列上其事

德宗皇帝嘉而悼之

詔

公起復加左散騎常侍兼御史大夫賜晉陽第一口口
縣口五十口追贈先公戶部尚書貞元元年李懷光寇
蒲反詔燧以河東之師討之公爲燧腹心之將將
五千先濟河與西師合勢據要同收長春宮降徐庭光
懷光平加賞封口戶二年西蕃寇邊攻逼鹽夏公口偏
師擊虜解圍而還三年從燧入觀擢拜輔國大將
軍行左神策軍將軍知軍事復賜靖恭里第一所藍田
田十口口貞元和
德宗之幸梁還也懲神策
軍兵口將輕緩急非有益乃蒐卒謀師以公充選時謂
得人禁暴戒嚴
上心倚賴口年丁鄧國太夫
人憂起復本職初先公之羅魏禍也太夫人潛匿以免
及悅死詔迎于魏加號鄧國夫人賜宴於
別殿以示
寵異上又思先公之忠烈再贈
尚書左僕射公之弟琳授檢校太子賓客瑯琊郡公瑤

授忻州別駕瑯琊縣男皆号開府分領禁職賞與公同忠勞也公居環衛凡十二年

上知其忠勤謹

重方將大用不幸寢疾以貞元十四年七月廿四日終於靖恭里賜第享年六十有五贈越州都督其年黃鍾月庚申日葬於京兆富平之薄臺從先僕射之兆也夫人長樂馮氏封長樂郡夫人先公而歿至是祔焉有子四人曰濟曰曰曰曰澤澈前爲郿寧節度使後爲河東節度使太原尹北都留守檢校兵部尚書御史大夫瑯琊郡開國侯食邑一千戶襲實封一百戶

今上元年再贈公刑部尚書贈夫人長樂郡太夫人從子貴也按國典官至三品墓得立碑又按口葬令諸追贈官品得同正經曰立身揚名以顯父母孝之終也禮云銘者論議其祖先德善功烈慶賞名聲明著後代所以崇孝也順也今苻氏作率舊章碑于墓不亦宜乎今瑯琊侯論議先德銘于碑其可關乎矧僕射之忠若彼尙書之順如此舉而書之可以勸天下之爲人臣人父者瑯琊公之顯揚又如此附而贊之可以勸天下之爲人子人孫者將欲篤前烈垂後嗣俾永永有光重爲銘云

國步將泰必有忠傑家聲將作必有孝節烈烈苻氏世

生才哲惟公先公越在叛戎相時度勢禍將及宗幹逆杖順天誘其畏捐軀以義教子以忠遂秉大節密授於公惟公桓桓于夫之雄違情稟令號泣旻穹天啟其初神贊其終克繼先志卒成後功

天子嘉之

寵命有融乃膺任用乃著勲庸出領王師掃蕩關東入統環衛肅清禁中再加真食大敬土封弄印珥貂蜺耀厥躬噫寵非不隆秩非不崇不將不帥人望口充善口慶流生瑯琊侯念祖顯父厥德聿修授鉞郃郊移旆并州西壘北門克壯其猷文承詩禮武襲弓裘三業濟美時無與儔蒸蒸瑯琊揚名報恩告弟三命賁靈九原澤覃寔窅銘煥璵璠既肥其家又大其門貽燕之謀垂裕後昆褒榮之渥自葉流根禪乎哉神獄有基靈河有源古人云非此父不生此子非此祖不生此孫誠哉是言誠哉是言

中書省口口口官昭武校尉守京兆周城府折衝上柱國邵建和鵠字

右唐符璘碑按唐書列傳璘姓符而碑作苻以姓氏書考之琅邪苻氏出于魯頃公之孫公雅爲秦符節令因以爲氏而武都苻氏出于有扈之後爲啟所滅苻西戎代爲氏酋本姓蒲至苻堅以背有文改焉今

此碑以璘爲苻氏又云其先瑯琊人皆不可知然按璘與弟瑤皆封邑于瑯琊豈書碑者誤以苻爲苻其

家出於武吏不知是正乎

金石錄

金石錄云題中書侍郎同平章事李宗閔撰宗閔大和七年爲此官宋王楙野客叢書曰苻堅其先本

姓蒲其祖以識文改爲苻苻融其先魯頃公孫仕秦爲苻璽郎以苻爲氏故苻堅之姓從草苻融之姓從

竹二姓固自不同而唐義陽郡王苻璘碑合從竹而書作苻而苻堅之苻又有書從竹者皆失於不契勘

耳余考漢碑隸書率以竹爲什少有從竹者如符節字皆然今前漢書符璽多從什魏晉以下眞書碑亦

有書符節爲苻節者蓋古者皆通用故耳此又不可不知顏元孫千祿字書曰從草者爲姓從竹者爲印

亦未之察也符融之符獨非姓乎

金石文
字記

碑云公諱璘字元亮沂州臨沂人傳云瑯琊人蓋傳

舉其郡而碑舉其州與縣也碑云璘在田悅軍中并州帥馬燧以犀帶遺公爲約而傳畧之傳云璘與父

令奇嚙臂別而碑不載豈作史者欲形其父子之忠

義而粉飾之也耶

金石錄

璘父令奇見唐書忠義傳碑所述與史多同璘兄弟

三人同降弟琳檢校太子賓客瑒那郡公瑤忻州別駕瑒那縣男史皆失書其名令奇加贈左僕射璘加

贈刑部尚書史亦失書璘子澈累官邠寧河東節度使檢校兵部尚書位甚顯而本傳不書何也

潛研堂
金石文

跋

今額上並無字蹟應是勒碑時未及之也或謂後人磨去者非

關中金
石記

碑字亦有殘脫然繹其文皆可句璘初爲田悅將後以去逆効順屢從征著有功伐案新唐書璘附其父

令奇傳後事多不備攷田悅傳悅以苻璘爲腹心馬燧傳悅使苻璘李瑤衛還淄青殘兵璘等亦降今碑

所稱燧知公才略開以禍福公計遂決乃使家堅潛通其誠燧因遣公犀帶以示要約公於是率所部

下

缺是其事也傳又言李懷光反河中賊將徐廷光守長春宮城燧諭廷光云云以碑證之璘亦同收長春

宮降徐廷光而本傳惟錄先濟河與西師合而已璘之歸國由其父決計及璘降而父仍留賊營遂爲賊

所害延於家屬其死忠之報宜福流其子也

投堂金
石跋

按此碑無建立歲月惟憑撰書人結銜考定之金石錄云碑題中書侍郎同平章事李宗閔撰金石

石錄云碑題中書侍郎同平章事李宗閔撰金石

文字記云宗閔大和七年爲此官則碑文當爲大和七年撰矣新唐書宗閔傳拜罷無年月舊傳則云大和七年德裕作相六月罷宗閔知政事檢校禮部尙書同平章事與元尹山南西道節度使德裕秉政羣邪不悅文宗乃復召宗閔于興元爲中書侍郎平章事進封襄武侯食邑千戶此金石錄所云大和七年爲此官者是也及考之宰相表大和七年六月乙亥宗閔檢校禮部尙書平章事與元節度使八年十月庚寅李宗閔守中書侍郎同平章事則其再入政府乃八年事碑文宜以八年撰也又攷之書篆者柳公權結銜云翰林學士承旨兼侍書朝議大夫守尙書工部侍郎知制誥兩唐書公權傳皆云穆宗卽位拜右拾遺充翰林侍書學士累換司封兵部二郎中宏文館學士文宗復召侍書遷諫議大夫俄改中書舍人充翰林書詔學士開成三年轉工部侍郎

傳准諫議大夫碑作朝議不同据

馬燧收長春宮降徐庭光平李懷光解靈夏圍擢拜輔國神策將軍復賜田宅加贈令奇尙書左僕射璘弟琳瑤授官封爵皆兩傳所無者兩次賜田碑皆有泐字以新傳證之初賜祁縣田五十頃與碑合再賜藍田田四十頃碑于藍田田下有十字則當是十幾頃非四十頃也碑云公居環衛凡十二年新傳云十三年据碑璘以貞元三年拜輔國神策以十四年卒是居環衛正十二年傳誤也自貞元十四年卒後至開成三年距四十年之久而後立碑亦云遲矣碑有今上元年再贈公刑部尙書之語文宗大和紀元之後稱元年者卽開成則所稱今上仍是文宗然則此碑之立於開成三年可確信也

元英塔銘

石高三尺四寸五分廣六尺八寸四分
七十六行行四十二字行書在西安府
大
唐三藏大遍覺法師塔銘并序

朝議郎檢校尙書屯田郎中使持節涪州諸軍事守涪州刺史兼侍御史上柱國賜緋魚袋劉軻撰

安國寺內供奉講論沙門建初書

歲丁巳開成紀元之明年有具壽沙門曰令檢自上京

抵洛師以縹囊盛三藏遺文傳記訪余柴門于行修里
且曰聞夫子谷藻羣言舊矣詎直專聲於班馬能不爲
釋氏董狐耶抑豈不聞貞觀初慈恩三藏之事乎敢矢
厥來旨云 三藏事跡載國史及慈恩傳今塔在長安
城南三十里初 高宗塔于白鹿原後徙於此 中宗
製影贊謚大遍覺 肅宗賜塔額曰興教因爲興教寺
寺在少陵原之陽年歲寤遠塔無主寺無僧荒涼殘委
游者傷目長慶初有納衣僧曇景始葺之太和二年安
國寺三教談論大德內供奉賜紫義林修三藏忌齋于
寺齋衆方食見塔上有光圓如覆鏡道俗異之林乃
上聞乃與兩街三學人共修身塔兼葺一石於塔至三
年修畢林乃化遺言於門人令檢曰尔必求文士銘之
檢泣奉遺教旨以銘爲請非法輿之家嫡誰何至此乎
軻三讓不可乃略而銘之 三藏諱靈奘俗陳姓河南
緱氏人曾父欽後魏上黨太守祖康北齊國子博士父
惠英長八尺美鬚眉魁岸沉厚號通儒時人方漢郭林
宗有子四人樊其季也年十三依兄擢出家於洛屬隋
季失御乃從 高祖神堯於晉陽俄又入蜀學攝論毘
曇於基邇二法師武德五年受具於成都精究篇□□
學成實於趙州深學俱舍於長安岳於是西經前來者

無不貫綜矣初中國學者多以實相性空通貫羣說俾
象象蹄筭往往失魚兔於得意之路至於星羅碁布五
法三性拚秋毫以矢名相界地生彙各有攸處曾未暇
也大遍覺乃興言曰佛理圓極片言支說未足師決固
是經來未盡吾當求所未聞俾跛眇兒視履必使解行
加函蓋始可爲具人矣且法顯智嚴何人也猶能孤遊
天竺而我安能坐致耶初三藏之生母氏夢法師白衣
西去母曰何去曰求法貞觀三年忽夢海中蘇迷廬山
遽凌波而入乃見石蓮波外承足山險不可上試躡身
騰蹕颯然感舉升中四望廓澈無際覺而自占曰我西
行決矣至京州都督李大亮防禁持切逼法師還京法
師乃背道渡瓠蘆河出玉門經莫賀延磧艱難險阻仆
而復起者何止百十耶自尔涉流沙次伊吾高昌王麴
文泰遣貴臣以駝馬逐法師於白力城王與太妃及統
師大臣等尊以師禮王親跪於座側俾法師囑履而上
資贈甚厚送至葉護可汗衛又以廿四封書通屈支等
廿四國獻花綰五百疋於可汗稱法師是以第欲求大
法於婆羅門國願可汗憐師如憐奴其所歷諸國爲其
王禮重多此類也自爾支提梵刹神奇靈跡往往而有
法師皆澄誠盡敬耳目所得孕成多聞與夫世稱博物

者何相萬耶詳載如傳唯至中印度那爛陀寺等遣下
座廿人明詳儀注者引泰正法藏即戒賢法師也既入
謁肘脉著地鳴足已然後起法藏訊所從來曰自支那
欲依師摩瑜伽論法藏聞則涕泗曰解我三年前夢金
人之說佇尔久矣遂館於幼日王院覺賢房第四重閣
日供擔步羅菓一百廿枚大人米等稱是其尊敬如此
法師既名流五印三學之士仰之如天故大乘師號法
師爲摩訶天小乘師號解脫天乃白大法藏請留之法
師曰師等豈不欲支那之人開佛惠眼耶不數日東印
度王拘摩迎法師戒日王聞法師在拘摩處遣使謂拘
摩曰急送支那僧來拘摩曰我頭可得僧不可得戒日
神武雄勇名震諸國乃怒曰爾言頭可得可將頭來拘
摩懼乃嚴爲軍二萬軀三萬與法師同泝宛伽河築行
宮于河北拘摩自迎戒日于河南戒日曰支那何不來
拘摩曰大王可屈就王既見法師接足盡敬且曰弟子
聞支那國有秦王破陣樂乃問秦王是何人法師盛談
太宗應天順人事王曰不如此何以爲支那主因令
法師出制惡見論然小乘外道未卽推伏請於曲女城
集五印沙門婆羅門等兼十八國王觀支那法師之論
凡十八日無敢當其鋒者戒日知法師無留意厚以爲

馬橐裝餞法師又以素疊印書使達官送法師所經諸
國令兵衛達漢境法師却次于闐因高昌商胡入朝附
表奏自西域還 太宗特降天使迎勞仍制于闐等道
送法師令燉煌迎於流沙鄯鄯迎於沮洳時 帝在洛
陽 勅西京留守梁國公元齡脩有司迎待是日宿于
漕上十九年春三月景子留守自漕奉迎於都亭有司
頒諸寺帳輿花幡送經於宏福翌日大會於朱雀街之
南陳列法師於西域所得經像舍利等其梵文凡五百
廿夾六百五十七部以甘馬負而至自朱雀至宏福十
餘里傾都士女夾道鱗次若人非人曾不知幾俱胙矣
壬辰法師謁 文武聖皇帝於洛陽宮二月己亥對於
儀鸞殿因廣問雪嶺已西諸國風俗法師皆脩陳所歷
若指諸掌 太宗大悅謂趙公無忌曰昔苻堅稱口安
爲神器今法師出之更遠時 帝將征遼法師請於嵩
之少林翻譯 太宗曰師西去後朕爲 穆太后於西
京造宏福寺寺有禪院可就翻譯三月己巳徙宏福夏
五月丁卯法師方開貝葉廿年秋七月法師進新譯經
論仍請製經序并進奉 勅撰西域記十二卷 太宗
美法師風儀又有公輔才俾法師祕緇褐襲金紫法師
因以五義褒揚聖德乞不奪其志遂問瑜伽十七地義